



# Халқ сўзи

Ўзбекистон — келажаги буюк давлат

1991 йил 1 январдан чиқа бошлаган

E-mail: Info@xs.uz

2011 йил 17 февраль, № 34 (5201)

Пайшанба

## ИСТИҚБОЛЛИ ЛОЙИҲАЛАР САМАРАСИ

**Мамлакатимизда ишлаб чиқаришни модернизация қилиш, техник ва технологик жиҳатдан қайта жиҳозлаш, иқтисодиётнинг етакчи тармоқларини жадал янгилашга энг муҳим устувор вазифалардан бири сифатида алоҳида эътибор қаратилмоқда.**

### Модернизация

Ўтган йили барча молиявий манбалар ҳисобидан ушбу мақсадларга йўналтирилган инвестициялар ҳажми 3 миллиард 800 миллион АҚШ долларидан ошгани, бу эса 2010 йилдаги барча капитал қўйилмаларининг 37,5 фоизини ташкил этгани бунга ёрқин бир далилдир. Натижада йил давомида кўплаб лойиҳалар муваффақиятли амалга оширилиб, sanoat корхоналарида ишлаб чиқариш ҳажми ошишига, сарф-харажатлар камайишига, импорт ўрнини босувчи маҳсулотлар ишлаб чиқаришни йўлга қўйишга эришилди. Буни «Ўздонмаҳсулот» акциядорлик компанияси тизимидаги корхоналар мисолида ҳам яққол кўриш мумкин.

Дарҳақиқат, кейинги йилларда халқимизга сифатли ун ва нон маҳсулотлари етказиб бериш мақсадида тизим корхоналарида янги технологияларни қўллаш, донни қайта ишлаш цехларини замон талаблари даражасида қайта жиҳозлаш ишлари жадал олиб борилмоқда.

(Давоми 2-бетда).



Германиянинг мебель саноатида иختисослаштирилган машҳур электрон журналларидан бири бўлган «Мебельmarkt»да «Ўзбекистонда «Мебель Экспо — 2011» ярмаркаси ташкил этилади» сарлавҳали мақола эълон қилинди.

## «МОЕВЕЛМАРКТ» ЎЗБЕКИСТОН МЕБЕЛЬ ЯРМАРКАСИ ҲАҚИДА

Унда ёзилишича, жорий йилнинг март ойида Тошкент шаҳрида саккизинчи «Мебель Экспо» халқаро ярмаркаси ўз ишни бошлайди. Тўрт кун давомида мазкур ярмарка халқаро

зиёд мутахассис қатнашган. Бу йил «Мебель Экспо — 2011» кўргазмаси ташкилотчилари «ITE Uzbekistan» ва «I.T.E. E&C Ltd» мебель саноатининг тақдироти учун муҳим аҳамият касб этувчи

### Дунё нигоҳи

мебель ишлаб чиқарувчи ва етказиб берувчи компанияларнинг тақдироти учун ўзига хос «мебельлар витрини»га айланади. Тадбир ўтган йилларда бўлгани каби бу йил ҳам «UzBuild» курилиш ярмаркаси билан бир вақтда ўтказилади. Иштирокчи компаниялар томонидан таклиф этилаётган маҳсулотлар уй ва идора мебеллари, турли интерьер, ёритиш жиҳозлари, пол қопламалар ҳамда тўқимачилик моллари билан бирга, ёғочни қайта ишловчи ускуналар, бутловчи қисмлар ва замонавий технологияларни ҳам ўз ичига қамраб олган.

кўргазманинг мавқеини яна-яна ошириш ниятидалар.

«Ўзэкспомарказ»да уюштирилган ўтган йилги ярмарка миллий кўргазма мажмуасининг учта залини эгаллаб, жаҳоннинг 18 мамлакатидан келган 150 га яқин компаниялар маҳсулот ва хизматларини намойиш этишлари учун қулай имконият яратди. Тошкентда ўтказилган «Мебель Экспо — 2010»да олти мингдан

да ошириш ниятидалар. Сўнгги йилларда Ўзбекистон минтақа мебель саноатининг марказига айланган ҳолда, мазкур йўналишда жадал сурьатлар билан ривожланиб бораётган мамлакатдир. 500 дан ортиқ маҳаллий мебель ишлаб чиқарувчи ва етказиб берувчи компанияларнинг 40 фоизга яқини охириги икки-уч йил ичида ташкил этилди. Шу билан бирга, ушбу соҳани ривожлантириш халқаро ишлаб чиқарувчилар учун ҳам улкан имкониятлар эшигини очди. Пироваддада Ўзбекистонга 85 фоиз маҳсулот ва 95 фоиз асбоб-ускуналар ҳамда қайта ишловчи машиналар импортини йўлга қўйиш имконияти юзага келади. Бундан ташқари, мамлакатда юқори сифатли юмшоқ мебелларга бўлган талабнинг 29 фоизи четдан келтирилмаган маҳсулот ҳисобига қопланади.

«Жаҳон» АА. Берлин

Президентимиз Ислам Каримовнинг Олий Мажлис Конунчилиқ палатаси ва Сенатининг қўшма мажлисидаги «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси» маърузаси мазмун-моҳияти ва аҳамиятини аҳоли, айниқса, ёшларга чуқур тушунириш мақсадида учрашув ва анжуманлар ташкил этилмоқда.

## КУРСАНТЛАР КОНЦЕПЦИЯНИ ЎРГАНМОҚДА

Ўзбекистон Республикаси Ички ишлар вазирлиги Тошкент олий ҳарбий техник билим юртида бўлиб ўтган илмий-амалий конференция ҳам мазкур Концепцияда белгилаб берилган вазифалар мазмун-моҳиятини кенг тушуниришга бағишланди. Ўзбекистон

ҳарбий прокуратураси, Тошкент ҳарбий округи ҳарбий прокуратураси ҳамкорлигида уюштирилган тадбирда олимлар, ҳуқуқшунослар, олий ҳарбий билим юрти ўқитувчилари ва курсантлари иштирок этди.

(Давоми 2-бетда).

### Мўл ҳосил пойдевори

«Деҳқоннинг хазинаси — ер, унинг қалити — тер» деган нақл бор халқимизда. Ҳақиқатан ҳам, ер билан тиллашиб, унга меҳр бериб ишлаган деҳқондан замин ўз саховатини ҳеч қачон аямаган. Шунинг учун мўл ва баракали ҳосил етиштироқчи бўлган фермерлар, энг аввало, экин майдонларининг унумдорлигини ошириш, унинг мелiorатив ҳолатини яхшилаш пайдан бўлдилар.

## ФИДОЙИ МЕҲНАТ ҚАДРИ

Биз, фермерлар соҳага нафақат илм-фан ютуқларини, балки кўп йиллик тажрибада синалган усулларни ўз ўрнида қўллаётганимиз ютуқлар гарови бўлмоқда. Киш-қировли қунарда галла майдонларига маҳаллий ўғит чиқариш ва майсани у билан озиклантириш шулар сира-сига кирди.

Соҳа мутахассисларининг таъкидлашича, ёгин-гарчилик нисбатан кам бўлаётган жорий мавсумда ушбу тадбирнинг аҳамияти, айниқса, беқиймидир. Сабаби, маҳаллий ўғит экинга мадор бўлиб, ернинг табиий намлигини сақлаш, сувни тежашда кўл келади. Муҳандис-гидротехник сифатида яхши биламанки, сув йўлларининг раван бўлмаслиги бебаҳо нематнинг беҳуда йўқотилиши, деммаки, исроф бўлишига олиб келади. Шунинг учун халқимиз орасида «Отанг мироб бўлса ҳам, аригингни тозалаб сув ич», деган ибора бот-бот эсга олинади.

Фермер хўжалигимиз далаларигача сув 11,5 километрик ариқ орқали етиб келади. Сув тақчиллигининг олдини олиш, унинг ҳар қатрасидан унумли фойдаланиш мақсадида нафақат 5,5 километрик ички ариқларни, балки қишлоқ ичидан ўтган сув йўлларини ҳам тозалаш, сув иншоотларини таъмирладик, зарур жойларга сув ўлчачилар ўрнатдик. Ўз вақтида қўрилган бундай чора-тадбирлар сув сарфини йиғирма физгача камайтириш имконини бериши кутилапти. Зеро, галладан мўл ҳосил

олишининг энг муҳим омилли сунвинг ҳар қатрасидан текин жамкорлик билан фойдаланишидир. Айни пайтда 41,7 гектар майдондаги галла майсалари бир текис ўсмоқда. Бугунга қадар ҳар гектар ерга 10 тоннадан маҳаллий ўғит чиқарилиб, унинг бир қисми экин устига сепилгани, азотли ўғит билан озиклан-тирилгани айни муддао бўлди. Шу билан бирга, февраль ойидан маҳаллий ўғитни суспензия қилиб се-пишни бошладик. Мутахас-сисларнинг айтишича, экин бу усулда 3-4 марта озик-лантирилса, ҳосилдорлик гектарига 10 центнергача ошади.

Экинларнинг баравж ўсиши, бўлиқ бошоқ олиши учун уни занг касаллиги ва зараркундалардан асраш чораларини ҳам кўрмоқда-миз. Бундан ташқари, майдонларни бегона ўтлардан тозалашга алоҳида эътибор қаратиб, эҳтиёж бўлган жойларда унга қарши кимёвий воситалардан фойдаланишни мўлжал-лаб турибмиз. Бугунги саъй-ҳаракатларимиздан кўзланган мақсад шуки, маҳаллий ўғитдан унумли фойдаланиб, экин тубида кўпроқ нам тўплаш орқали унинг баравж ўси-шини таъминлаш, пировад-дида баракали ва мағзи тўқ дон хирмонини яратиш. Ҳар бир агротехника тад-бирини ўз маромида ва си-фатли бажарсак, эзгу ния-тимизга, албатта, етамаиз.

Суюнбой ҲАМРОЕВ, Навбахор туманидаги «Обла Ҳамро» фермер хўжалиги раҳбари.

## АҲИЛЛИК ВА ФАРОВОНЛИК МАҲАЛЛАДАН БОШЛАНАДИ

Президентимиз Ислам Каримовнинг Олий Мажлис палаталари қўшма мажлисидаги «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси» маърузасида маҳалла институти фаолиятининг ташкилий асосларини янада такомиллаштириш, вазифалари қўламини кенгайтириш, давлат ҳокимияти ва бошқарув органлари билан ўзаро яқин муносабатларини таъминлаш борасидаги долзарб вазифалар белгилаб берилди.

Пойтахтимизда ёшлар тарбияси билан шуғулланиш самарадорлигини оширишда маҳалла фуқаролар йиғинлари раисининг диний маърифат ва маънавий-ахлоқий тарбия масалалари бўйича маслаҳатчиларнинг ўрни ҳамда вазифаларига бағишланган ўқув-семинар-да шулар хусусида сўз юри-тилди. Тошкент шаҳар ҳокимлиги, шаҳар хотин-қизлар кўмитаси, Республика Абдурахимова ва бошқалар Президентимиз Ислам Каримов раҳнаомлигида юртимизда аҳоли, айниқса, хотин-қизлар ва ёшларнинг ҳуқуқ ва манфаатларини

ҳимоялаш, саломатлигини мустаҳкамлаш, таълим олиши, касб-хунар эгаллаши лари, ҳуқуқшунослар, психологлар, табиёт ходимлари, пойтахтимиз маҳалла-ларидаги маслаҳатчилар иштирок этди.

### Фармон ва ижро

Республика «Маҳалла» жамғармаси бошқаруви раиси Анвар Аҳмедов, Тошкент шаҳар ҳокими ўринбосари, шаҳар хотин-қизлар кўмитаси раиси Фаарида Абдурахимова ва бошқалар Президентимиз Ислам Каримов раҳнаомлигида юртимизда аҳоли, айниқса, хотин-қизлар ва ёшларнинг ҳуқуқ ва манфаатларини

ҳамда меҳнат қилиши учун зарур шароит ва имкониятларни яратиш борасида кенг қўламли ишлар амалга оширилаётганини таъкидлади. Маҳаллаларда соғлом муҳитни қарор топ-тиришга диний маърифат ва маънавий-ахлоқий тар-бия масалалари бўйича маслаҳатчилар ҳам муносиб хисса қўшаётди.

Давлатимиз раҳбарининг 2004 йил 25 майда қабул

қилинган «Ўзбекистон Хотин-қизлар кўмитаси фаолиятини қўллаб-қувватлаш борасидаги қўшимча чора-тадбирлар тўғрисида»ги Фармонига биноан, юртимиздаги барча маҳалла, қишлоқ ва овулларда диний маърифат ва маънавий-ахлоқий тарбия масалалари бўйича маслаҳатчилар фаолият кўрсатмоқда. Бу лавозимга катта билим ва ҳаётий тажрибага эга, эл-юртда обрў-эътибор толган фаол аёлларнинг жалб этилгани миллий кадрларимиз бардавомлигини таъминлаш, ёшларни эзгу-ғоялар асосида камолга ет-казиш, осойишталик ва ўзаро аҳиллик муҳитини мустаҳкамлашда муҳим омил бўлмоқда.

(Давоми 2-бетда).

## МАМЛАКАТ БЎЙЛАБ

### Инвестиция — юксалиш омили

НАМАЌАН. Косонсой туманидаги «Tradewell international» хорижий корхонасида 266 минг АҚШ долларлик инвестиция ҳисобига техник ва технологик янгилаш ишлари амалга оширилди.

Мазкур корхонада ҳозир тайёр ва яримтайёр тери маҳсулотлари ишлаб чиқарилиб, унинг асосий қисми экспорт қилинмоқда. Жумладан, «Tradewell international» жамоаси яқунланган йилда хорижий ҳамкорларига 237 минг АҚШ долларлик маҳсулот етказиб берди. Шунингдек, 50 минг АҚШ долларлик яна

бир лойиҳа амалга оширилмоқда. Ушбу мақсад тўла амалга ошган, бу ерда янги турдаги маҳсулотлар тайёрлаш йўлга қўйилиши билан бирга қўшимча 15 та иш ўрни яратилди.

Қ. НАЖМИДДИНОВ, «Халқ сўзи» мухбири.

### Фермернинг лимонзори

СУРХОНДАРЁ. Денов туманидаги «Баҳриддин» фермер хўжалиги қошида иссиқхона ташкил этилди.

Бир гектар майдонни эгаллаган ушбу мажмуани бунёд этиш учун фермер Баҳром Дилов ўз маблағи ва

банк кредити ҳисобидан 200 миллион сўм сарфлади. Натижада маҳалла ёшларидан 10 нафари иш

билан таъминланиб, улар томонидан етиштирилган 4 тоннадан ошиқ лимон ва зираворлар ички бозорга чиқарилди.

Н. ТЕМИРОВ.

### Нефтчилар учун махсус кийимлар

АНДИЖОН. Хонобод шаҳридаги «Инком-рандубидель» корхона-сида 700 минг АҚШ долларлик инвестиция эвазига кенг қўламли модерни-зация ишлари амалга оширилди.

Натижада бу ерда нефть саноатида кенг қўлланила-диган экстракт кукуни ва нефтчилар учун махсус кийим-кечаклар тайёрлаш йўлга қўйилди. Шу билан бирга, корхонада ишлаб чи-қариш ҳажми 3,5 баробар ортди. Хусусан, яқунланган йилда «Инком-рандубидель» жамоаси ички ва ташқи бозорга 835 миллион сўмлик маҳсулот чиқарди.

О. ШОДНОАЛИЕВ, «Халқ сўзи» мухбири.

САМАРҚАНД шаҳридаги «Eixolding» илмий-ишлаб чиқариш бирлашмасида вилоятдаги касб-хунар коллежлари битирувчиларининг амалиётини ташкил этиш, уларни иш билан таъминлаш масалаларига бағишланган семинар бўлиб ўтди.

### КОЛЛЕЖДАН — КОРХОНАГА

Унда вилоятдаги корхона ва таш-килотлар, касб-хунар коллежлари раҳбарлари ҳамда тегишли идора-лар вакиллари қатнашди. Тадбирда таъкидланганидек, вилоятда касб-хунар таълими муассасалари бити-рувчилари учун иш ўринлари яра-

тиш ва улар бандлигини таъмин-лашга алоҳида эътибор қаратилмоқ-да. Жумладан, айни кунда мазкур бирлашманиннг ўзида коллежларни тамомлаётган ёшлардан 180 нафа-ри амалиёт ўтапти. Бу ерда ўқув-чиларнинг назарий билимларини

### Ҳам сифатли, ҳам арзон

ҚАШҚАДАРЁ. Касби туманидаги «Номоз Мирзаев» корхонасида урни қайта ишлашга мўлжалланган технологик линия фойдаланишга топширилди.

Тадбиркор Нодиржон Мирзаев саъй-ҳаракати билан амалга оширилган ушбу лойиҳа туфайли бир кеча-кундузда 1,2 тонна ун қайта ишланиб, 5 турдаги си-фатли макарон маҳсулотлари тайёрлаш йўлга қўйилди.

А. МУҲАММАДИЕВ, «Халқ сўзи» мухбири.

(Давоми 2-бетда).





**Бугунги кунда мамлакатимиз соғлиқни сақлаш тизими ривож ва ушбу соҳадаги сифат ўзгаришларини таъминлаш борасида изчил савий-ҳаракатлар амалга оширилмоқда. Зеро, миллат соғлиғини асраш, жисмонан ва руҳан баркамол авлодни вояга етказиш фаровон келажакимиз кафолатидир.**

# КВП: МАЛАКАЛИ КАДРЛАР ВА ЗАМОНАВИЙ ХИЗМАТ

Ана шундай эзгу мақсад йўлида олиб борилаётган тиббий ислохотларнинг ижобий самарасини бугун Навоий вилояти мисолида ҳам аққол кўриш мумкин. Худудда оналик ва болалик муҳофазаси, аҳолига тиббий хизмат кўрсатиш сифатини янада тақомиллаштириш ҳамда мавжуд шифо масканларининг моддий-техник базасини мустаҳкамлаш масалаларига катта эътибор қаратилмоқда. 2010 йилда вилоятдаги кўплаб даволаш профилактика муассасалари хорижда ишлаб чиқарилган энг замонавий ташхис ускуналари билан жиҳозланди. Бу, ўз навбатида, нафақат шахар ва туман марказлари, балки энг олис кишлоқларда ҳам аҳолига намунали тиббий хизмат кўрсатиш, кўплаб хасталикларнинг олдини олиш имконини яратаетир. — Бугун соғлиқни сақлаш ти-

махсус тадбирларда аҳоли, айниқса, ёшларга соғлом турмуш тарзи тарғиботи бўйича кенг тушунчалар бериб берилмоқда. Бугун энг олис овулларимизга бориб, одамлар орасида

лини осон қилаётган бу ўзгаришларнинг аққол фодоси сифатида худудда бунёд этилаётган янгидан-янги шифо масканларини тилга олиш мумкин. Жорий йилда Янги Томдида 150



250 қатновли кўп тармоқли марказий поликлиника ҳамда 19 та КВП хизмат кўрсатмоқда. Утган 2010 йилнинг инвестиция дастурига асосан, марказий шифохонадаги шохлиқ тиббий жаррохлик, қон қуйиш, қабул бўлими ҳамда ички дорихона бюджет маблағлари ҳисобидан капитал таъмирланди. Бундан ташқари, жорий йилда вилоят марказидаги кўп тармоқли тиббиёт марказини

реконструкциялаш ишлари ниҳоятга етказилди. Шунингдек, худудда ОИТСга қарши кураш марказининг асосий биноси янгидан қурилмоқда. Қурилиш-монтаж ишлари ниҳоятга етказилди, ушбу шифо масканларини энг сўнгги даволаш-ташхис жиҳозлари билан таъминлаш ва хизмат сифатини янада юксалтириш кўзда тутилган.

**Ҳамдам ЭШОНҚУЛОВ, «Халқ сўзи» муҳбири.**

зиммида хизмат кўрсатиш сифати тобора тақомиллашиб бораётганлиги кенг жамоатчилик орасида тиббий маданиятнинг юксалишига хизмат қилмоқда, — дейди Томди тумани тиббиёт бирлашмаси бош шифокори Камаш Нағашбоева. — Худуддаги барча ҚВПларда малакали умумий амалиёт шифокорлари ҳамда патронаж ҳамширалари фаолият кўрсатади. Бу мутахассислар иштирокида мунтазам равишда ўтказиб борилаётган “Саломатлик ҳафталиги”, “Шифокор тавсиялари”, “Туғиш ёшидаги аёллар, болалар ва ўсмир қизларни соғломлаштириш ҳафталиги” каби

бўлсангиз, бунинг нечоғли ижобий самара бераётганлигига амин бўласиз. Негаки, аввалги пайтлардан фарқли ўлароқ, ҳозир ҳар бир киши ўз саломатлигини асрашга, энг аввало, ўзи масъул эканлигини кун сайин чуқурроқ англаб етмоқда. Кувонарлиси, бугун юртимизда амалга оширилаётган ислохотлар, хусусан, тиббиёт соҳасига татбиқ этилаётган янгиликлар инсон қадрини улуғлаш ва унинг манфаатларини ҳимоя қилишга қаратилганлиги билан аҳамиятлидир. Олис кишлоқлар аҳлининг узогини яқин, мушқу-

қатновга мўлжалланган кўп тармоқли поликлиниканинг замонавий кўринишидаги муқташам биноси қурилиб, фойдаланишга топширилди. Шифо масканида умумий амалиёт шифокори, невропатолог, стоматолог, жаррох, акушер-гинеколог каби тажрибали мутахассислар фаолият кўрсатмоқда. Энг муҳими, шифо муассасаси УЗИ, ЭКГ сингари замон талабларига мос тиббий ускуналар билан тўлиқ жиҳозланган. Навбахорликларга эса айна пайтда 285 қабулга мўлжалланган туман тиббиёт бирлашмасининг марказий шифохонаси,

## Саломатлик

# МУРУВВАТИНГ МУНАВВАР ЗИЁСИ

“Темур Тоғаев каратэ бўйича Ўзбекистон чемпиони бўлди!” Бу янгилик бугун Мехрибонлик уйига зумда тарқалди. Ҳамма бир-бирини табриклади. Ахир бизнинг тарбияланувчимиз — чемпион! Биз унинг ота-онаси, ака-укаси, хуллас, чин маънодаги оиласи бўлиб қувондик. Аслида ҳам биз бир оиламиз. 88 нафар ўғил-қизни бирлаштирган катта оила.

Бугунги кунда Китоб туманидаги 5-Мехрибонлик уйида Темур сингари чемпионларининг сафи 8 нафарга етди. Шунингдек, фан олимпиадаси голибу голибалари ҳам талайгина. Ҳ. Яхшибоева, И. Хожикулова, Ф. Жонтемиров... Бу рўйхатни кўплаб ўқувчиларимиз ҳисобига давом эттиришимиз мумкин. Уларнинг ҳар бири муассасамиз фахри, гурури.

## Ғамхўрлик

Ҳар бир фарзанд қобилиятли бўлади. Гап ана шу истеъдодни йўналтириш билан, тарбиялаш, қолаверса, уни рағбатлантириб беришга боғлиқ. Шу маънода, истиқлолнинг дастлабки кунларидан, Президентимиз раҳнамолигида бошқа соҳалар қатори аҳолининг ижтимоий ёрдамга муҳтож қатлами, ижтимоий-тиббиёт муассасаларига катта эътибор қаратиб келинаётгани ўзининг юксак самарасини бермоқда. Ушбу ғамхўрликлар натижасида Мехрибонлик уйимиз ҳам барча қулайликка эга масканга айланди. Фарзандларимизнинг фан сирларини кўп билан ағлашлари, спорт соғломлаштириш машғулоти ва фан тўғрақлари билан шуғуланишлари

**Тоштемир САТТОВО, Китоб туманидаги 5-Мехрибонлик уйи директори.**

# ОБ-ҲАВО (17 февраль)

**Қорақалпоғистон Республикаси ва Хоразм вилояти.** Ҳаво ўзгариб туради, вақти-вақти билан ёғингарчилик бўлади. Кечаси 3-8 даража совуқ, кундузи 3 даража совуқ билан 3 даража илқ атрофида бўлади.

**Бухоро ҳамда Навоий вилоятлари.** Ёғингарчилик бўлиши кутулмоқда. Ҳарорат тунда 0-5, кундузи 5-10 даража илқ бўлади.

**Тошкент, Самарқанд, Жиззах ва Сирдарё вилоятлари.** Ҳаво ўзгариб туради, ёғингарчилик кузатилади. Ҳарорат тунда 0-5 даража, кундузи 10-15 даража илқ бўлади.

**Қашқадарё ҳамда Сурхондарё вилоятлари.** Вақти-вақти билан ёғингарчилик бўлади. Кечаси 0-5 даража, кундузи 10-15 даража илқ бўлади.

**Андижон, Наманган ва Фарғона вилоятлари.** Ҳаво ўзгариб туради, ёғингарчилик бўлиши кутулмоқда. Кечаси 0-5, кундузи 7-12 даража илқ бўлади.

**Тошкент шаҳри.** Ёғингарчилик кузатилади. Ҳарорат тунда 3-5 даража, кундузи 10-12 даража илқ бўлади.

«Ўзгидромет» маълумотлари асосида тайёрланди.

**Китоб мутолааси кишини фикрлашга ундайди, унинг билим доирасини кенгайтиришга хизмат қилади. Айниқса, ёшлар тарбиясида китобнинг ўрни беқийс. Ана шу муҳим жиҳатлар инobatта олиниб, бугун мамлакатимизда кутубхоначилик соҳасини тақомиллаштириш, ўсиб келаётган навқирон авлодни илмий-бадиий адабиётларга қизиқтириш борасида амалга оширилаётган савий-ҳаракатлар ўзининг самарасини бермоқда.**

# МУТОЛААГА ИХЛОСМАНД, ИЛМГА ЧАНҚОҚ

Хусусан, кутубхоначилик тизими ривожда Президентимизнинг 2006 йил 20 июндаги “Республика аҳолисини ахборот-кутубхона билан таъминлашни ташкил этиш тўғрисида”ги қарори муҳим асос бўлиб хизмат қилмоқда. Мазкур қарорда белгиланганидек, бугун жойлардаги ахборот-кутубхона марказларида янгича ва илгор услублар, ахборот етказишнинг компьютерлаштирилган тизими, интернет имкониятларидан унмולי фойдаланиш каби жиҳатларга алоҳида эътибор қаратилаяпти.

Бу хайрли ишда вилоят ахборот-кутубхона марказининг ҳам алоҳида ўрни бор. Мазкур марказ илм йўлида изланувчи, мутолаага ихлосманд ёшларга зиё улашгаётган маърифат ўчоқларидан биридир.

Марказда давр талаблари асосида кутубхона иш-тироқлари ҳам алоҳида ташкил этилган. Уни жорий қилишда эса Халқ университетлари немис ассоциациясининг халқаро алоқалар институти билан ҳамкорликда иш олиб борилмоқда. Ана шу ҳамкорликлар самараси ўлароқ, Фарғона шаҳри ва

## Интилиш

биқ этилди. Уни жорий қилишда эса Халқ университетлари немис ассоциациясининг халқаро алоқалар институти билан ҳамкорликда иш олиб борилмоқда. Ана шу ҳамкорликлар самараси ўлароқ, Фарғона шаҳри ва

# САЙЁҲЛИК САЛОҲИЯТИМИЗНИНГ ХОРИЖДАГИ ЭЪТИРОФИ

**Бельгияда ҳар йили ўтказиб келинадиган нуфузли халқаро сайёҳлик ярмаркасида Ўзбекистон Республикасининг Бельгиядаги элчихонаси ва ушбу давлатнинг машҳур сайёҳлик компанияларидан бири “Hobo Reisen” кўмағида Ўзбекистон сайёҳлик салоҳиятининг тақдироти бўлиб ўтди.**



## Биз ва жаҳон

— Албатта, — дея гап бошлади мутахассис, — бугунги кунда сайёҳлик бозори турли-туман қизиқarli тақлифларга ниҳоятда бой. Бу ерда рақобат анча катта. Шунга қарамадан, Европада Ўзбекистонга бўлган қизиқиш тобора ортаёттир. Улканинг бутун тароватини ўз кўзи билан кўришга орзуманд бўлганларнинг сони кун сайин кўпаймоқда. Унинг таъкидлашича, “Ўзбекистон-

да ахборот-технологиялари ва телекоммуникация тармоқлари шиддат билан ривожланаётган бир пайтда кутубхоналарни автоматлаштириш, электрон ахборот-ресурсларини шакллантириш каби вазифаларнинг изчиллик билан амалга оширилиши муҳимдир. Зеро, эндиликда ахборот-кутубхона марказларида нафақат бадиий китоб ихлосмандлари ва тадқиқотчиларга, балки истеъмолчиларнинг янги тоифаси бўлмиш фермерлар, ишбилармон ва тадбиркорлар, инвесторларга ҳам бирдек қулайлик яратиши лозим. Бу китобхонлар учун янгича қулайлик, уларга жаҳон андозалари даражасида юксак сифатли хизмат кўрсатиш, демакдир.

**Дилором ШУКУРОВА, Фарғона вилояти ахборот-кутубхона маркази директори.**



## ФИНАЛЧИЛАР МАЪЛУМ

**Ўзбекистон Профессинал футбол лигаси кубоги учун ўтказилаётган мусобақада финалчилар номи маълум бўлди.**

Кеча бўлиб ўтган ярим финал учрашувида Жиззахнинг “Сўғдиёна” жамоаси Тошкент вилоятининг “Олмалик” клуби футболчиларини 2:0 ҳисобида мағlubиятга учратди. Иккинчи ярим финал жуфтлигида эса пойтахтнинг “Локомотив” ва “НБУ-Осиё” жамоалари куч синашди. Унда темир йўлчилар 2:1 ҳисобида зафар қучиб, баш соврин учун курашни давом эттириш ҳуқуқига эга бўлдилар.

**У. ҲАКИМЖОНОВ.**

### ТОШКЕНТ ВРАЧЛАР МАЛАКАСINI ОШИРИШ ИНСТИТУТИ

ЭГАЛЛАНГАН ЛАВОЗИМЛАРГА КҮЙИДАГИ КАФЕДРАЛАР БҮЙИЧА ТАНЛОВ ЭЪЛОН ҚИЛАДИ:

- Болалик даври юқумли касалликлари кафедраси: ассистент (2).
- Дерматовенерология ва косметология кафедраси: ассистент.
- Ички касалликлар ва телемедицина кафедраси: ассистент.
- Офтальмология кафедраси: ассистент.
- Юқумли касалликлар кафедраси: ассистент (2).
- Пульмонология кафедраси: ассистент (2).
- Кардиология ва геронтология кафедраси: ассистент.
- Жирургия ва болалар жирургияси кафедраси: ассистент.
- Ультратовуқ диагностика кафедраси: ассистент.
- Педиатрия кафедраси: ассистент.
- Анестезиология ва реаниматология кафедраси: доцент, ассистент.
- Урология ва нефрология кафедраси: доцент, ассистент.
- Травматология ва ортопедия кафедраси: доцент.
- Валеология кафедраси: доцент.
- Гинекология кафедраси: ассистент.
- Неонатология кафедраси: кафедра мудири, ассистент.
- 2-аккушерлик ва гинекология кафедраси: профессор.
- Эпидемиология кафедраси: доцент.
- Болалик даври анестезиология ва реаниматология кафедраси: доцент.
- Акушерлик, гинекология ва перинатал медицина кафедраси: кафедра мудири, ассистент.
- Тиббий радиология кафедраси: доцент.

Мурожаат учун манзил: Тошкент шаҳри, Мирзо Улугбек тумани, Парент кўчаси, 51. Телефон: (8-371) 267-60-74.

### Qishloq Qurilish Bank

## ОАТБ «Қишлоқ қурилиш банк»

дизель/бензогенератор қурилмааларини сотиб олиш бўйича танлов эълон қилади.

Танловда қатнашмиш учун шартномалар эълон қил этишимам саналдан бошлаб 15 кун давомида қабул қилинади.

Қўшимча маълумотлар учун манзил: 100060, Тошкент ш., Шаҳрисабз к., 36-уй, 2-қават, 215-хона. Телефонлар: (8-371) 150-76-44, 150-76-55.

### «ХАЛҚ СЎЗИ»ГА

**ЭЪЛОНЛАР КАБУЛ ҚИЛИНАДИ.**

9.00 дан 18.00 гача  
232-11-15,  
236-09-25.

E-mail: reklama@xs.uz

“Трансйўлқурилиш” компанияси давлат унитар корхонаси жамоаси марказий ижро аппарати ишлаб чиқариш бўлими бошлиғи Светлана Яковлевна ПАККИНГ

Неля Яковлевна ПАККИНГ

вафоти муносабати билан чуқур ҳамдардик билдиради.

## Халқ сўзи

### Народное слово

**МУАССИСЛАР:**  
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

**Бош муҳаррир Ўткир РАҲМАТОВ**

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Бюджет Г — 203. 77262 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоиси келишилган нарҳда.

**ТЕЛЕФОНЛАР:**  
Девонхона 233-52-55;  
Котибият 233-10-28; Эълонлар 236-09-25.

ISSN 2010-8788

Тахририятга келган кўлемлар тақриб қилинмайди ва муаллифга қайтарилмайди. Реклама материаллари учун тахририят жавобгар эмас.

Газета тахририят компьютер марказида терилди ҳамда операторлар Ж. Тоғаев ва М. Бегмуратов томонидан саҳифаланди.

Тижорат материал

**МАНЗИЛИМИЗ:**  
100000, ГСП, Тошкент шаҳри, Матбуотчилар кўчаси, 32-уй.

Навбатчи муҳаррир — А. Орпено.

Навбатчи муҳаррир — М. Жонихонов.

Навбатчи — Ю. Бурунов.

Мусаҳҳах — С. Исломов.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА якуни — 20.45 Топширилди — 22.00

1 2 3 4 5